

Schnitzelbangg 2025

D Doggterväärs

Der Daniel ka am Fasnachts-Määntig laider nit go drummler ko
es isch au besser gsi, sunscht wäär amänd, bi jedem Schlag, hinde ebbis uusekoo

In dääre Situazion, muess ych scho saage,
würd ich au kai Drummler draage



Graad no vor em Rääge
bi dääre blöde Stääge
jo, bim erschte Tritt
kasch saage was de wit
es isch die letschti Faase
denn fliegt si voll uff d Naase



Biff baff buff und du bisch ... im Granggewaage

Heidi ych hätt do no e Bitt
nimm s näggschtmool dini Flügel mit

D Frässväärs

Der Charly isch vo Tailand heime ko, doo duet är au tailändisch ässe,
kuum am Disch, isch är verruggt und sait, wär het do alles Rindfleisch gfrässe!

Charly muesch nit druurig sy, schieb aifach e baar Böönlis yy.

Dr Rolli, es isch nit zem saage,
duet in der Sosse nach Gröwettli graabe.

Die Dinger sin doo au so glai, ych äss glaub lieber doch dehai.


Ych mecht denn do no saage, das macht jo Sinn
in däm Fläschli isch kai Meelemersosse drinn

D Durschtväärs

Het si durscht denn nimmt si eine, het si heiss denn nimmt si zwei, het si Beides
mitenad
gits e Gschbrützte ex an d Wand

dernoo sitzt Miggi uff e Bangg
und griegt e Näggschte „Gott sei Dangg“!

Drey Belleli Instantkaffi, ei Zugger oder zwei, 4 cl Zwätschgeschnasps oder e bitzli
mee, und heisses Wasser dryy,
wie dir Alli wisse, ka das nur s Luzrezäbbt vo der Yvonne syy.



Wenn si eine dringt und der Schnaps im Luz nit längt,
sait der Källner, ich has doch dängt!

D Techväärs


Der Vortrabschef luegt zrugg zem Spiil und froggt sich ganz wit hinde,
worum d Yvonne nit duet pfyffe oder ob si s Piccolo nit ka finde

Mir hänn fir d Yvonne ganz e guete Tip
gläbb s Piccolo and Larve, mit e bitzli Cementit !



D Marschstandaarte drait der Martin, wie dir wisse, er heebt die Dääfeli akuraat und
diräggt vor diini Biire.

Vo luter blände bisch fascht blind und gsesch nimm zu de Pfyffer fiire.



Liebe Martin mach das nimm esoo, heb das Ding nur graad in dyne Pfoote
ych zaal dir denn derfiir e Gleesli gschbritzte Roote

Hittigsdaags duet me d Schue unter der Soole duure binde, schyyn'ts
aber d Tanja muess si Soole zerscht no am Bode finde.


Si het druss gleert und het e Bitt
nämmet an d Fasnacht immer Gläbbband mit.



Dr Affeväärs

Drey Affe sitze uffere Bangg, e Wysse, e Roote und e Silberrugge
si waarte uf e Zeiche, dass si iiri Banane kenne obenyyne drugge

Zwei vo dääne kenn ych guet, es sind ganz Nätti
si bisse nit und haue nit ... wenn ych e Banane hätti.



Der rooti Aff isch ganz veruggt nach Schnitzelbäng, sitzt im Käller und kunnt nümm
uuse

wenn er denn emoole kunnt sin die Meischte ... scho Deheim am pfuuse.

Walti, die Banane kasch jetzt ässe,
die Digg do, duesch's nit vergässe,
gisch im rote Aff zem
ans Goschtym naie.



Dr Sextiväärs

Dania isch e sexi Frau, jo ych kenn si au
Der Andy rächts vo iire wird verschmutzt
und der Linggi schläggt si au

Also liebi Fraue, dass dir's wüsse
yych loss mi au gärn küsse!



Dr Letschtiväärs

Fünf Dambuure gässle guet durch d Stadt
eine rutscht uss grad nach em Bier, denn sind's no vier
Vier Dambuure gässle guet durch d Stadt
e Rügge schmärzt, ych bi so frey und gang, jetzt sind's halt nur no drey
Drey Dambuure gässle guet durch Stadt
der näggscht isch mied und goot denn Hei, scho simmer nur no zwei
Zwei Dambuure gässle guet durch d Stadt
jetzt göön die zwei au hei ...
Nei, eso goots nit, mir warte no bis es vieri schloot und dien durch Ändstraichmasse
bummle
alles isch no uf der Stroos, es ruesst us alle Gasse, mir luege zue und freuen is, halt
ooni sälber z Drummle.

jetzt isch d Fasnacht scho verbyy
Iberaal dien Dräänli fliesse, die sammle sich im Rhy

Dr Noochväärs

So jetzt isch gnueg gleschteret, ich setz mi uf e Bangg
doch zeerscht mecht ych de Basilisgge, de Wurzle und de Combonische saage vyyle
Dangg
Es isch e tolli Fasnacht gsi mit eych, dasch woor
Mir gseen uns wiider an der Fasnacht s näggschte Joor

Eure Fasnachtsschef

